



Foras na Gaeilge

Oifigeach Cléireachais

EOLAS D'IARRTHÓIRÍ

Is iad Foras na Gaeilge (an ghníomhaireacht teanga) agus Tha Boord o Ulstèr-Scotch (Bord Albainis Uladh) an dá chuid den Fhoras Teanga, an comhlacht teanga Thuaidh/Theas, ceann de na comhlachtaí forfheidhmithe a bunaíodh faoi théarmaí Chomhaontú Bhéal Feirste. Is iad seo a leanas na feidhmeanna reachtúla a sannadh d'Fhoras na Gaeilge:

- An Ghaeilge a chur chun cinn;
- Úsáid na Gaeilge labhartha agus scríofa a éascú agus a spreagadh, sa saol poiblí agus sa saol príobháideach sa Deisceart agus, i gcomhthéacs Chuid III den Chairt Eorpach do Theangacha Réigiúnacha nó Mionlaigh, sa Tuaisceart áit ar bith a bhfuil ráchairt uirthi;
- Comhairle a thabhairt don dá rialtas, do chomhlachtaí poiblí agus do ghrúpaí eile san earnáil phríobháideach agus san earnáil dheonach;
- Tabhairt faoi thionscadail tacaíochta, agus deontais i gcabhair a thabhairt do chomhlachtaí agus do ghrúpaí de réir mar a mheastar gá a bheith leo;
- Tabhairt faoi thaighde, faoi fheachtais leis an Ghaeilge a chur chun cinn, agus tabhairt faoi chaidreamh poiblí agus chaidreamh leis na meáin chumarsáide;
- Téarmaíocht agus foclóirí a shaothrú;
- Tacaíocht a thabhairt don Ghaelscolaíocht agus do theagasc na Gaeilge.

Tá 16 bhall ar Bhord Fhoras na Gaeilge, 8 ón Deisceart agus 8 ón Tuaisceart agus, i gcuideachta Bhord Albainis Uladh, is é Bord an Fhorais Teanga Thuaidh/Theas é.

Tá Foras na Gaeilge freagrach don Chomhairle Aireachta Thuaidh/Theas (CATT), agus go háirithe don Aire Turasóireachta, Cultúir, Ealaíon, Gaeltachta, Spóirt agus Meán agus don Aire Pobal. Tuigeann Foras na Gaeilge, mar chuid den Fhoras Teanga Thuaidh/Theas, go gcaithfidh a chuid cuspóirí agus straitéisí bheith ag cur le polasaí ginearálta an dá rialtas agus cinnteoidh sé, mar sin, go mbeidh cumarsáid éifeachtach ann leis an dá Roinn chuí, Rúnaíocht na Comhairle Aireachta Thuaidh/Theas, an Roinn Airgeadais agus an Roinn Airgeadais agus Pearsanra. Chomh maith leis sin, cinnteoidh Foras na Gaeilge go bhfuil sé ag cur le ceanglais an Mheamraim Airgeadais agus le hiomlán na gceanglas reachtúil cuí eile sa dá dhlinse.



Foras na Gaeilge

Oifigeach Cléireachais

Láthair

Beidh an post seo lonnaithe in oifigí Fhoras na Gaeilge, Ráth Chairn agus beidh ar an té a cheapfar dualgais an phoist a chomhlíonadh le linn uaireanta oibre ón Luan go dtí an Aoine ón oifig seo.

Sochair

Baineann téarmaí agus coinníollacha an phoist seo le ceapachán mar Oifigeach Cléireachais le Foras na Gaeilge.

Tuarastal: Is é an tuarastal don phost seo ná €25,324 - €38,659*.

D'fhéadfaí an ráta tuarastail a choigeartú ó am go chéile ar aon dul le beartas pá an Rialtais.

**Caithfear an post a thairiscint ag bun an scála.*

- Tréimhse an Chonartha: Gan teorainn ach go mbeidh athbhreithniú bliantúil ann;
- Uaireanta Oibre: Post lánaimseartha atá ann agus caithfear bheith i láthair 42 uair (i seachtain de chúig lá). Ceadáítear uair an chloig don lón;
- Beidh tréimhse phromhaidh i gceist;
- Saoire Bhliantúil: 22 lá (ag dul suas go 23 lá tar éis 5 bliana, 24 lá tar éis 10 mbliana, 25 lá tar éis 12 bhliain agus 26 lá tar éis 14 bliana) agus laethanta saoire poiblí;
- Pá Breoiteachta: de réir na dteidlíochtaí atá i bhfeidhm ag an am;
- Pinsean: Mar atá ceadaithe ag an CATT;
- Saoire Mháithreachais: de réir na dteidlíochtaí atá i bhfeidhm ag an am;
- Saoire Atharthachta: de réir na dteidlíochtaí atá i bhfeidhm ag an am;
- Saoire Uchtála: de réir na dteidlíochtaí atá i bhfeidhm ag an am;
- Saoire Thuismitheoirí: de réir na dteidlíochtaí atá i bhfeidhm ag an am;
- Fógra faoi Éirí as Post: 5 seachtaine ar a laghad: 13 seachtaine ar a mhéad;
- Aois Scoir: de réir na dteidlíochtaí atá i bhfeidhm ag an am;
- Scor de thairbhe Sláinte: Mar a cheadóidh an CATT;
- Cód Iompraíochta: Mar atá faofa ag an CATT;



Foras na Gaeilge

Oifigeach Cléireachais

Ginearálta

Tá na hOifigigh faoi cheangal ag:

1. **Na Cumhachtaí Reachtúla, na dualgais agus na hoibleagáidí** mar atá leagtha síos in I.R. Uimh.859 1999 Tuaisceart Éireann “North/South Co-Operation (Implementation Bodies) Northern Ireland) Order 1999” agus Airt.1 de “The British-Irish Agreement Act 1999.”
2. **An Meamram Airgeadais** a cheadaigh an Roinn Airgeadais agus Pearsanra agus an Roinn Airgeadais, rud a leagann amach na nósanna imeachta airgeadais agus na socruithe cuntasáíochta don Fhoras Teanga Thuaidh/Theas.



Foras na Gaeilge

Oifigeach Cléireachais

SAINCHUNTAS POIST

Teideal an Phoist: Oifigeach Cléireachais, Clár na Leabhar na Gaeilge

Freagrach do: Ardoifigeach Feidhmiúcháin, Clár na Leabhar na Gaeilge

Próifil an Phoist: Beidh freagracht ag an té a cheapfar as tacaíocht riaracháin chuí a sholáthar.

Príomhchúraimí

Cúraimí Oibríochtúla

- Tacaíocht riaracháin a sholáthar mar bhall den fhoireann.
- Modhanna imeachta éifeachtacha a úsáid chun dualgais dhlite a chur i gcrích.
- Comhad-chórais a choinneáil don fhoireann.
- Bheith rannpháirteach mar bhall den fhoireann.
- Plé le córais agus próisis airgeadais a bhaineann le hiocaíochtaí a phróiseáil srl.
- Tabhairt faoi oiliúint i réimsí oiriúnacha le tacaíocht chuí a sholáthar.
- Scéimeanna agus tionscadail a riar agus cáipéisíocht a ullmhú mar a aontófar.

Cúraimí Pearsanra

- Tuiscint ar thábhacht an phoist maidir le spriocanna foirne a bhaint amach.

Cúraimí Cumarsáide

- Freastal ar chruinnithe den fhoireann / stiúrthóireacht.
- Plé le ceistanna agus fiosruithe ó bhaill foirne ó rannóga eile.
- Eolas a sholáthar ar scéimeanna agus tionscadail don phobal.
- Tábhacht na ról mar thúsphointe teagmhála agus mar thacaíocht riaracháin a thuiscint. Bheith in ann an t-eolas agus an treoir chuí a sholáthar.



Foras na Gaeilge

Oifigeach Cléireachais

Eolas Eile

Trí Chlár na Leabhar Gaeilge, cuireann Foras na Gaeilge tacaíocht ar fáil d'fhoilsitheoirí na Gaeilge trí Scéim na Foilsitheoireachta agus do scríbhneoirí na Gaeilge trí na scéimeanna scríbhneoireachta go príomha. Anuas air sin dírionn muid aird an phobail ar leabhair Ghaeilge le daoine a mhealladh le bheith ag léamh agus ag scríobh as Gaeilge.

Tugtar an méid seo thuas mar threoir ghinearálta ar chúraimí agus fhreagrachtaí. Ní cur síos iomlán ar na tascanna uile é.



SONRAÍOCHT FAOIN PHEARSA

Critéir Riachtanacha

- Ardchaighdeán Gaeilge agus sa Bhéarla, idir scríofa agus labhartha, mar aon le tiomantas don teanga.
- Taithí ar chumarsáid éifeachtach a dhéanamh le daoine.
- Ardscileanna idirphearsanta mar aon le hardscileanna cumarsáide idir labhartha agus scríofa.
- Taithí ar riarachán agus obair oifige.
- Taithí phraiticiúil ar fheidhmchláir ríomhaireachta.
- Cumas oibriú as do stuaim féin.

Critéir Inmhianaithe

- Taithí a bheith páirteach i dtionscadail agus conas mar a d'eagraigh tú do chuid oibre.